

中國佛寺志叢刊

趙樣初



清·範昌治編訂

廬山秀峰寺志

廣陵書社

庐山秀峰寺志

庐山秀峰寺志，八卷首一卷。清范昌治编订，王企靖、王翰校定。清康熙六十一年（1722）刻本。范昌治号燕贻，四明（今浙江宁波）人。王企靖号念慈，保定（今属河北）人，官江西巡抚。王翰号二南，昆明（今属云南）人。

庐山又名匡山，或名匡庐，位于江西九江市南，风景秀美，是著名的旅游胜地。同时亦是佛教名山，有东林、西林、大林三大名寺，秀峰、海会、万杉、栖贤、归宗五大丛林。秀峰寺位于庐山南麓。南唐中主李璟十五岁时筑台读书于此，李璟即帝位后九年（951），以书台旧基为寺，名为「开先寺」，取「开国先兆」之意。清康熙四十六年（1707），康熙南巡至松江县，寺僧超渊随驾，御赐「秀峰寺」额，遂改名秀峰寺。寺后有李璟读书台，台上有米芾手书碑刻，台下有颜真卿《大唐中兴颂》碑，均为书法珍品。

本志前有「词翰姓氏」一篇，列举历朝与该寺有关的文人姓名籍里。卷首记康熙历次御赐寺中圣物及文士名流颂德诗。卷一、卷二「形胜」，记庐山诸胜景

及历朝僧俗游记、纪游诗，卷三「梵刹」，载南唐冯延巳《建开先寺记》、宋黄庭坚《开先禅院修造记》等文及历代文人游开先寺诗；卷四「主席」，记自开山第一代绍宗圆智禅师以来历代住持行迹嘉言，附「丛林规约」及塔铭；卷五、卷六「艺文」，收集僧俗往来书札、诗文序等；卷七「法产」，记寺属田粮等财产；卷八「逸事」，杂记遗文趣事。

曾学文

若列眉燦如指掌卓卓乎良史才也昔商丘
太宰與余對衡而居晨夕過從無虛日每屈
指天下名僧輒首推心壁又取其漱玉集中
佳句謂非皎靈清可所能辨余聞而敬佩之
今觀經營締造佛地丕興纂集搜羅文心獨
運願力之宏如彼才藻之富又如此其成佛
必不在靈運後也太宰之言豈欺我哉因畧
識數語於簡端

康熙六十一年歲次壬寅夏五月乙酉朔越
四日戊子江西巡撫王企靖念齋氏拜題

秀峯寺志序

夫南康去廬山開先寺僅十餘里余嘗兩經
南康以匆匆就道不獲一至開先凡廬山之
疊嶂九層崇岡萬仞雖遙遙相望竟無由曳
屣一登諒山靈亦必笑我之忙且俗也歲已
亥偶與開先之高僧心壁遇見其神清骨秀
詞氣溫藹知得禪家三昧心竊異之叩其原
籍乃係滇南昆明人是余之鄉戚也故日以
詩文相往來遂成方外至契居無何心壁出
萬里一歸人圖兼持宋牧仲諸君子贈送詩

相示嗟乎世之俗人雖居家猶忘其親而不
知其身之所自來者比比皆然今心壁旣披
剃出家焚修於萬里之外猶能念罔極之深
恩而一瓢一鉢沿途叩門乞食遠歸省親則
其孝思爲何如是僧名而儒行洵釋氏之超
出尋常萬萬者也故其道行所至天人交助
獨能以一人之法力爲廬山另開生面何則
夫開先創自南唐其由來已久雖暮鼓晨鐘
未嘗泯絕然僧寮蕭索殿宇傾圯已不無荒
烟蔓草之感過者傷之丁亥春

聖駕南巡心壁迎之淮上恭覲

龍馭

上見其道貌非凡奏對清朗

聖心大悅將開先更名秀峯

特賜御書扁額江右撫臣宋犖等更建

御書樓以崇國寶巍巍煥煥輝映林巒俾匡廬氣

象蔚乎改觀山靈何幸而得此

曠典哉壬寅夏秀峯志成乞家中丞念齋大兄序

言弁首余因得按圖細閱跡其千峯聳翠雙

瀑噴雲巖壑之奇恍然在目而學士大夫騷

人墨客之詩歌詞章靡不條分縷晰考據精
詳披覽之下如置我於五老雙劍香爐鶴鳴
石鏡諸名勝下煙雲縹緲開拓心胸洒然自
得樂孰甚焉此豈非心壁以一人之力大爲
匡廬開一生面也乎且置田若干畝俾主其
寺者世守之心壁之功應不在開山之了山
下矣宜乎高踞廬山一席爲祇林之禪宗其
人其事勒諸碑碣當與茲山之靈秀並傳不
朽也已故復序而紀之 肯

康熙六十一年夏月吉旦滇南舊 翰書

秀峯寺志序

余鄉心壁和尚一代之傳人也少年出世行
脚見寒泉卽明大法機鋒相對平陽位下無
雙此可傳者一樹幟匡廬名重天下一時龍
象盡出鉗鎚此可傳者二丁亥

天子南巡召對

行在深契

上意即寵錫

龍章益光古刹此可傳者三有此三可傳而歎然
自下見人常若不及此壁公之所以無一不

可傳也辛丑春王余待罪鄴陽距廬山止六十里蠡水之隔一葦可航方欲扁舟過訪快叙濶棕顧以初任民事簿書未暇比三月恭遇

萬壽誕辰

首憲王大中丞詣山祝釐余以地方司牧例應祇侍借宿於寺者旬日遂得聯床夜話備述鄉園近況偷得浮閒幾忘其身之漂泊於宦海也壁公旋出山志見示爲余友范子誠貽所訂臚分科指燦然有章不特入茲山者按

策可求卽湖海好奇之士卧遊枕上讀其書
如履其地岡巒之環合殿閣之森聳以至
聖藻輝煌耀日月而迓休祥一一皆如目覩觀止
矣因謂壁公曰吾師諸事無不可傳卽此一
志名山藉以不傾余幸叨戚誼素稱投契其
肯借光分席相攜並傳否遂忝附捐俸付之
剗厠氏

康熙六十年九月同里第楊盛烈題於鄴陽
官舍

秀峯寺志序

予爲諸生時僻處荒野自達官以至方外少
所交遊或有持一帙眎予者曰此吾昆明心
壁上人省親作也予卒業至性纏綿足補白
華之什心竊異之緇流中乃有斯人亟欲訂
交而心公已赴匡阜厥後予浮沉館閣十有
餘年每獨居深念卽有一心公者往來於中
丁酉視學西江心公來謁接其人大過於所
聞凡按試南康事竣必訪公秀峯信宿而返
間時公述秀峯顛末且云此地閱幾興廢乃

卷之三
至於我竊恐其遺聞軼事湮滅無傳敢以志
事累公予緣復

命期迫未暇以爲今年春往典粵試返棹章門再
與公遇而志已告成持丐予序予惟人生聚
散惝恍難憑當新相知樂莫樂矣一旦雨雲
散風流各往忽縈懷知己或遣一介達以瑤
華或夢中相尋路岐而罷春天日暮徒寄之
渭樹江雲已耳今予與公一別三年復得把
臂古灌園聯床精舍論今弔古雜以歌泣生
平快事孰大於此因憶曩在使院送公歸廬